

四庫全書

史部

欽定四庫全書

江南通志卷一百十二

職官志

名宦

自邦之司憲至於一命以上有功德於民者皆得
祠於類宮長吏春秋有事焉

國家昭美報勸來者甚盛典也然昔之稱循吏曰所
去見思又曰惻悃無華豈非治實不治名故令名

益無窮歟江南藩翰之首簿領殷繁幸際

盛隆之運咸和兆民

聖聖纘承

軫念三吳詳求理化有虞咨十二牧成周董正治官魚而備之然則仰奉

德音以實心為實政之本抑亦借前事為後事之師歟夫鄉有奉嘗陂名愛敬祥生白鹿之幡香播桃花之米治行風操炳煥千載若茲異等固不乏人其

有釐舉興革鑿鑿可見施行者並詳著於篇有所
考鏡焉

統部

周孫叔敖事楚莊王稱賢相嘗起芍陂在今壽州安

豐縣東徑百里灌田數萬頃

後漢書循吏
王景傳註

黃歇楚考烈王元年以歇為相封春申君賜淮北
地後請封江東因城故吳墟居之相楚八年楚復

強

史記
本傳

欽定四庫全書

卷一百十二

漢董仲舒廣川人元光元年舉賢良對策以為江都相王素驕好勇仲舒以禮誼匡正王敬重焉治國以春秋災異之變推陰陽所以錯行故求雨閉諸陽縱諸陰其止雨反是行之一國未嘗不得所欲

漢書
本傳

魏相字弱翁定陶人昭帝時揚州刺史考案守相多所貶退丙吉與書曰朝廷知弱翁治行方大用願慎事自重藏器於身相善其言為霽威嚴居部

二歲徵為諫大夫

漢書本傳

黃霸字次公陽夏人宣帝時為揚州刺史三歲以賢良高第詔為潁州太守居官賜車蓋特高一丈

別駕主簿車縱油屏泥於軾前以章有德

漢書循吏傳

何武字君公郫縣人宣帝時為揚州刺史二千石

有罪應時舉奏其餘賢與不肖敬之如一是以郡

國各重其守相州中清平行部必先即學宮見諸

生試其誦論問以得失然後入傳舍出記問墾田

頃畝五穀美惡已廼見二十石以為常

漢書本傳

鮑永字君長屯留人光武初為揚州牧時多寇暴永以傷痍之後誅其強橫鎮撫其餘百姓安之

後漢

書本傳

歐陽歙字正思千乘人建武中為揚州牧李憲餘

黨淳于臨等聚眾數千殺安豐令歙討平之

後漢書儒

林傳

張禹字伯達襄國人建初中為揚州刺史行部理

察枉訟郡邑深幽之處無不畢到多所明舉

後漢書本

傳

滕撫字叔輔北海人順帝末劇賊范容徐鳳等為

江淮巨患撫除九江都尉擊破斬之拜中郎將督

揚徐二州事又乘勝斬歷陽賊華蓋於是東南悉

平

後漢書本傳

馮緄字鴻卿巴郡人少學春秋司馬兵法順帝末
持節督揚州諸郡軍事與中郎將滕撫討破羣賊

後漢書
本傳

楊秉字叔節華陰人太尉震中子為徐州刺史計

日受俸以廉潔稱

後漢書
楊震傳

百里嵩字景山封邱人為徐州刺史境內旱嵩行

部所至甘雨隨注

後漢
記

嚴遵揚州刺史行部聞道旁女子哭聲哀繫問

果以淫殺夫者按正其罪

後漢
記

三國魏劉馥字元穎相人建安中為揚州刺史單馬

造合肥空城建立州治數年中恩化大行立學校
廣屯田興諸陂塢以溉稻田官民有畜又高城壘
積木石編草苫為戰守備

魏志
本傳

呂虔字子恪任城人文帝時為徐州刺史辟王祥
為別駕民事一以委之世多其能任賢討利城叛

賊斬獲有功

魏志
本傳

滿寵字伯寧昌邑人魏明帝時督揚州諸軍事時
孫權頻歲攻合肥寵請移城西三十里依險立城

以守誘寇入平地而掎其歸路遂連敗權兵又權遣兵佃江北寵伺其收穫時擊破諸屯盡焚穀物

詔美之

魏志本傳

孫禮字叔達涿郡人魏嘉平中為揚州刺史吳兵侵境禮勒兵禦之芍陂自旦及暮將士死傷過半禮手秉枹鼓奮不顧身敵人始退詔書慰勞賜絹七百匹禮盡付亡者家無以入身

魏志本傳

晉王渾字元冲太原人武帝初為徐州刺史歲凶民

飢渾開倉賑贍百姓賴之歷都督揚州諸軍事鎮壽春陳兵東疆察攻取之勢及大舉伐吳渾率師出橫江以平吳功進爵為公復鎮壽春時吳人新

附渾撫循綏納人情悅服

晉書本傳

胡威壽春人武帝時歷徐州刺史勤於政術風化

大行

晉書良吏傳

郗鑒字道徽金鄉人明帝時拜兖州刺史都督揚州江西諸軍鎮合肥謀滅王敦遷都督徐兖青三

州事兖州刺史鎮廣陵蘇峻反進都督揚州八郡
軍事率衆渡江與陶侃會築大業曲阿虔亭三壘
以拒賊斬蘇逸降男女萬餘口又海寇抄東南諸

縣鑿城京口復率衆平諸寇

晉書
本傳

庾亮字元規鄆陵人成帝時督豫州揚州諸軍事
豫州刺史鎮蕪湖將軍郭默據盩口叛亮同太尉

陶侃合軍討破之不受爵賞

晉書
本傳

蔡謨字道明考城人成帝時都督諸軍事領徐州

刺史聞石虎於青州造船掠緣海諸縣謨遣將守
中洲拒之時謨所統七千餘人置戍東至土山西
至江乘城壘相望隨宜防備甚有算略

晉書
本傳

卞壺字望之宛句人蘇峻至東陵口詔以壺都督
大桁諸軍時發背創猶未合力疾轉戰死之二子
瞻盱相隨赴賊同時見害

晉書
本傳

謝安字安石陽夏人太元中以太保出鎮廣陵築
新城又築埭於城北後人追思之名曰召伯埭

晉書

本傳

謝元字幼度安兄子孝武時苻堅屢寇邊境朝命
擇良將可禦北方者安舉元應詔拜兗州刺史監
江北諸軍事鎮廣陵進擊屢破之加領徐州刺史
及堅兵次項城衆號百萬元為前鋒都督以精銳
八千大敗之於淝水南尋進駐彭城

晉書
本傳

南北朝宋王懿字仲德太原人三臨徐州威德著於

彭城

宋書
本傳

劉義欣彭城人宋長沙王道憐子元嘉中監豫司
雍并四州諸軍豫州刺史鎮壽陽于時土荒民散
城頽盜熾義欣綱維補葺隨時經理境內畏服道
不拾遺城府庫藏並皆充實遂為盛藩又修芍陂
通潁水旱患猶是得除

宋書長沙景
王道憐傳

沈慶之字弘先武康人宋孝武初督南兖豫徐兗
四州諸軍事鎮軍將軍南兖州刺史鎮盱眙還鎮
廣陵討魯爽有功後又討平竟陵王誕

宋書
本傳

宗慤字元幹南陽人宋孝建中歷豫州刺史監五州諸軍事竟陵王誕據廣陵反慤表求赴討遂引

軍平之

宋書本傳

吉翰字休文池陽人也監徐兗二州豫州之梁郡諸軍事徐州刺史其下畏服莫敢犯禁

宋書本傳

檀道濟金鄉人宋高祖時監南徐兗之江北淮南諸郡軍事鎮北將軍南兗州刺史救東陽未至虜走還鎮廣陵後又增督青州徐州之淮陽下邳琅

邪東莞諸軍事討謝晦晦不戰自潰

宋書本傳

梁蕭秀字彥達梁武帝弟都督南徐兗二州諸軍事

南徐州刺史京口累被兵革人戶流散秀招懷撫

納惠愛大行歲饑以私財贍百姓所濟甚衆

梁書太祖

五王傳

蕭景字子昭梁宗室天監中以安右將軍監揚州

稱明斷符教嚴整有田舍老姥嘗訴得符還縣吏

未即發姥語曰蕭監州符火煨汝手何敢留之其

為人畏服如此

梁書
本傳

韋叡字懷文京兆人梁武帝時豫州刺史領歷陽
太守魏來寇擊走之天監四年都督諸軍進討平

合肥遷豫州於合肥後又大破魏軍於鍾離

梁書
本傳

馮道根字巨基鄴人梁天監八年督豫州諸軍豫

州刺史布政清簡十六年復前任豫部人皆喜悅

武帝每稱曰道根所在能使朝廷不復憶有一州

梁書
本傳

裴邃字深明聞喜人梁豫州刺史加都督鎮合肥
攻魏拔甓城諸戍又畧地汝潁所在響應大破魏
兵於壽陽邃為政寬明能得士心居身方正有威

重將吏憚之

梁書
本傳

陳蕭濟字孝康蘭陵人太建中為揚州長史高宗嘗

勅取揚州曹事躬自省覽見濟條理詳悉文無滯

害顧左右曰我本期蕭長史長於經傳不圖精練

煩劇乃至於此

陳書
本傳

北魏王肅字恭懿臨沂人孝文時歷都督豫州刺史以破齊將裴叔業功加督四州及叔業降附兼督江西復大敗齊兵尋為都督淮南諸軍事揚州刺史肅頗在邊悉心撫馭遠近歸附自處儉約家無

餘財

魏書本傳

李崇字繼長頓邱人魏宣武時歷揚州刺史督淮南江西諸軍事屢次疑獄壽陽大水入城屋宇皆沒將佐勸崇棄州保北山崇誓以死守水退州城

獲全崇沈深有將畧寬厚善御衆在州十年鄰境

憚其威名號曰臥虎

魏書本傳

元顯和魏宗室為徐州安東府長史刺史元法僧叛顯和與戰被執法僧執手命坐顯和叱之及就

刑神色自若

魏書濟陰王新城傳

比齊蘇瓊字珍之武強人也皇極中歷徐州行臺左丞行徐州事請弛渡淮之禁淮南北先後告饑兩境商販得互取糴由是彼此兼濟水陸之利通於

河北

北齊書
循吏傳

盧潛范陽涿人北齊揚州刺史在淮南十三年大
樹風績為陳人所憚陳主與邊將書曰盧潛在鄉
宜深備之天統武平中江淮徵稅頗雜百姓騷然
潛隨事撫慰兼行權略境內以寧後為陳將吳明

徹所獲閉氣而絕

北齊書
本傳

徐遠字彥遐石門人仕北齊為東楚州刺史邑郭
大火遠躬自赴救為之流涕仍為經營乃得安集

北齊書
本傳

隋元景山字瑤岳洛陽人後周亳州總管率輕騎五百追陳將樊毅等一日一夜行三百餘里戰於漳口二合皆剋其城邑為司馬消難所陷者悉平之

隋書
本傳

賀若弼字輔伯洛陽人開皇元年為吳州總管以平陳為已任獻十策

隋書
本傳

盧昌衡字子均范陽人為徐州總管長史甚有能

名吏部尚書蘇威考之曰德為人表行為士則轉

壽州總管長史宇文述委以州務

隋書本傳

房兆金州人徐州總管有勇略以禦海寇著功

北史

唐張鎮周舒人武德中壽州都督移舒州入舒以其

鄉里就故宅多市酒餽召親戚與酣飲散髮箕踞

如其為布衣時凡十日既而分贈金帛泣別曰今

日鎮周猶得與故人歡飲明日則舒州都督治百

姓耳諸公以禮隔不得復為交遊自是境內肅然

唐書
本傳

狄仁傑字懷英太原人高宗時拜冬官侍郎持節江南巡撫使吳楚俗多淫祠仁傑一切毀之止留

夏禹吳太伯李札伍員四祠

唐書
本傳

顏真卿字清臣曲阜人浙西節度使時劉展有異謀真卿選將訓卒為水陸備都統李岷以為生事密奏之及展舉兵渡淮岷敗走論者始多真卿而

谷岷

唐書
本傳

李光弼營州人肅宗時以河南副元帥兼淮南等

五道節度事出鎮泗州諸大將皆憚服

唐書本傳

劉晏字士安曹州人代宗時歷江淮轉運租庸鹽

鐵常平使舊時由潤州陸運至揚子由揚子至河

陰殊苦煩費晏命囊米載舟為歇艍支江船每船

受千斛十船為綱減費數十倍未十年人習河險

轉粟無升斗溺者又分官吏主丹陽湖禁引漑自

是河漕不涸

唐書食貨志

杜亞字次公京兆人興元初拜淮南節度使治漕渠引湖水入渠中以通大舟因得溉田民食其利

唐書
本傳

韓滉字太冲京兆人建中初歷鎮海軍節度使綏輯百姓均租調不踰年境內稱治德宗困奉天淮汴震駭滉遣將擊破李希烈兵漕路無梗完靖東南滉功最多又頻調發錢帛以濟朝廷當時賴之

唐書
韓滉
本傳

杜佑字君卿萬年人建中中歷淮南節度使決雷陂以廣灌溉海濱棄地盡為良田積米至五十萬

列營三十區士馬整飭四隣畏焉

唐書本傳

崔衍字著深安平人德宗時宣歙池觀察使舊貢金錫十八品皆倍置市他州民匱多逃去衍蠲革之以簡靜為百姓所懷自奉儉約祿入悉賙親族

唐書本傳

王緯字文卿太原人德宗時浙西觀察使初州縣

有韓滉特罰錢未入者十八萬緡府吏請裒為進

奉緯上疏願蠲以紓民詔聽之

唐書本傳

張建封字本立南陽人貞元四年除徐濠泗節度使地迫於寇常困蹙不支李泌請以建封代之由是復為碯鎮性樂士若韓愈許孟容等皆奏署幕

府

唐書本傳

李鄴字建侯貞元中徐州節度張建封卒兵亂迫建封子愔主軍務帝以鄴剛敢拜宣慰使鄴持節

直入軍中諭以禍福衆皆俯首一軍以安元和間

歷淮南節度使王師討蔡以兵二萬分壁鄆境籍

府庫留一歲儲餘盡納於朝

唐書本傳

李吉甫字弘憲趙人元和中自政府出為淮南節

度使奏蠲逋賦數百萬築富人固本二塘溉田萬

頃漕渠不能居水乃築堤蓄洩江淮旱吉甫請分

道賑之尋復召秉政

唐書李栖筠傳

盧坦字保衡洛陽人元和中拜宣歙池觀察使時

江淮早穀騰貴或請抑其價坦曰所部地狹穀來他州若直賤穀不至矣不如任之既而商以米空

至市估遂平民得不饑

唐書本傳

路應字從衆京兆人元和中為宣歙觀察使至則出倉粟下其估半以廩餓人李錡將反以聞置鄉兵萬二千人錡反命將期以卒救湖常坐牢江東心錡以無助敗縛作響山亭營軍於左右權丞相

善之鑱其說響山石

韓愈平陽路公神道碑銘

崔從字子義齊州人敬宗時歷淮南節度使蜀除

苛政及卒下有割股以祭者

唐書崔融傳

李德裕字文饒吉甫子太和中歷浙西觀察使時

潤州承王國清之亂貨用空竭德裕躬自省約以

留州財贍兵雖儉而均故士無怨初南方信禳祥

父母有惡疾子棄不敢養德裕諭以孝慈大倫違

者顯寘之法數年惡俗大變毀淫祠撤私邑山房

千四百舍寇無所廋蔽天子下詔褒焉

唐書本傳

穆贊字相明懷州人為宣歙池觀察使捐錢四十

萬假民賦故歲早人不流

唐書本傳

王凝字成庶乾符間宣歙觀察使時王仙芝黨屠建德欲襲南陵江南寰境皆盜區凝用強努據采石又遣別將馬頴解和州圍明年賊大至凝益修戰備會大星隕寢庭術家勸託疾不視事凝不從誓與城相存亡賊解去尋卒贈吏部尚書謚曰貞

唐書王

翺傳

李珣字待價其先趙郡人客居淮陰宣宗時拜淮南節度使江淮旱發倉賑民以軍羨儲粟半價糶之卒於鎮淮南之人德之叩闕下乞立碑刻其遺

愛

唐書本傳

薛溫河東人武宗時宣歙池觀察使有威重所部

無敢犯

舊史

杜審權字殷衡杜陵人咸通中歷鎮海節度使龐

勛亂徐州審權連師犄角饋粟相銜王師以濟

唐書

杜如晦傳

張延賞蒲州人為淮南節度使歲旱民多轉徙吏禁之延賞曰食者民恃以活拘此而斃不如適彼而生苟存吾人何限焉乃具舟遣之勅吏為修室廬寬逋責歸者更增於舊

唐書張嘉貞傳

五代劉仁贍彭城人南唐清淮軍節度使周世宗攻之百端自正月至四月不能下

五代史本傳

盧絳字晉卿南昌人南唐後主時歷沿江諸營兵

馬監押嘗遮敗吳越兵於海門及宋師深入授沿江都部署扼秦淮口拒之又出援丹陽大破吳越

兵復授宣帥討平叛者

南唐書本傳

宋曹彬字國華真定人太祖伐江南以彬為昇州西
南路馬步軍都部署乘勝徑進遂圍金陵城垂克
彬忽稱疾不視事諸將問疾彬曰余之疾非藥石
能痊惟須諸公誠心自誓克城之日不妄殺一人
則自愈矣諸將許諾明日城陷士卒無敢肆者宋

本傳

慕容德豐字日新太原人昇州都監市廛安靜澤國富饒使者多哀聚金帛德豐獨以廉潔聞

宋史慕容

延釗傳

喬惟嶽字伯周陳州人雍熙中為淮南轉運使先是建安北至淮漚總五堰運舟皆卸糧而過惟嶽命剡二斗門於西河第三堰相拒踰五十步設懸門積水俟潮平乃洩之自是漕舟無滯

宋史本傳

葉清臣字道卿長洲人景祐四年出為兩浙轉運副使疏太湖盤龍匯滙瀆港入於海而民賴其利

東都
事略

趙賀字餘慶開封人為江淮發運使時舊軍將分部漕船主吏受賕不平賀分為三等視其功過自裁定吏巧不得施歲漕米溢常數一百七十萬蘇州太湖塘岸壞並海支渠多湮廢水浸民田賀與兩浙發運使徐奭伐石築堤流民歸業者二萬六

千戶

宋史本傳

王宗望字礪叟固始人江淮發運使楚州沿淮至連州風濤險惡宗望開支氏渠引水入運河為公

私利

宋史本傳

李溥河南人淳化間制置江淮等路兼發運使高郵軍新開湖水散漫多風濤溥令漕舟東下者還過泗州載石輸湖中積為長堤自是舟行無患

宋史

本傳

薛奎字宿藝絳州人真宗時江淮發運使疏漕河

廢三堰以便餉運

宋史本傳

盧秉字仲甫德清人熙寧末提點兩浙淮東刑獄上計神宗問曰聞滁民捕蝗而食有諸對曰民誠饑甚殍死相繼上惻然曰前此獨趙抃為朕言之

耳

宋史盧革傳

張綸字公信潁州人太宗時江淮發運副使奏除通泰楚三州鹽戶宿負官助其器用鹽入優與之

直復置監場於杭秀海三州居二歲增上供米八十萬又疏五渠以導太湖開長蘆西河以避覆舟之患築漕堤為十礎以泄橫流修泰州捍海堰復

逋戶二千六百民利之為立生祠

宋史循吏傳

張浚字德遠漢州人判建康兼行宮留守高宗幸建康浚迎拜道左風采隱然軍民皆倚以為重

宋史

本傳

吳中甫江淮發運使自洪澤鑿渠六十里以避長

淮漕運之險

南畿志

韓世忠字良臣延安人建炎四年以宣撫使駐鎮江尋進屯大儀連捷江口論者以為中興武功第一六年以宣撫處置使屯楚州楚屢經兵革世忠披草萊立軍府與士卒同力役撫集流散通商惠工山陽遂為重鎮劉豫遣兵入寇輒擊却之

宋史本傳

岳飛字鵬舉相州人初以秉義郎隸留守宗澤建炎四年頻捷收復建康遷通泰鎮撫使兼知泰州

宋史
本傳

張俊字伯英成紀人屢為浙西江南淮西諸路制

置招討宣撫使頗立戰功與韓岳並為名將

宋史本傳

呂祉字安老建陽人紹興七年遷兵部尚書陞督

府叅謀軍事往淮西撫諭諸軍時酈瓊與王德不

協德還建康以軍隸督府命祉往廬州節制之密

奏乞罷瓊語泄瓊叛執祉罵不已遇害

宋史本傳

虞允文字彬甫隆州人紹興末叅江淮督府軍事

敵兵四十萬宋軍裁一萬八千允文部分諸將勉

以忠義大敗之於米石

宋史本傳

李顯忠青澗人隆興中拜淮西招撫使自濠梁渡淮與蕭琦鏖戰陡溝大敗之遂收復靈璧入城宣

布德意不戮一人

宋史本傳

羅點字春伯崇仁人淳熙中除浙西提舉崑山華亭之間有澱山湖洩諸水道土豪占以為田水由

是壅點奏請開濬溉田百萬

南畿志

真德秀字景希浦城人嘉定八年為江東轉運副使歲旱蝗大講荒政以便宜發廩粟使林庠賑給竣事而還百姓送至郊外指道旁叢冢泣曰此皆

往歲饑死者微公我輩相隨入此矣

宋史本傳

李道傳字貫之井研人嘉定中提舉江東賑饑宣池徽三郡隆冬行風雪中徧歷村谷全活甚衆後

攝宣州守行朱熹社倉法諸郡效之

宋史本傳

崔與之字正子廣州人嘉定中權發遣揚州主管

淮東安撫司事既至浚濠開月河置釣橋州城與保砦城不相屬舊築土夾城往來其中為易以甃又因山林之阻創五砦結忠義民兵沿邊得附山自固分強勇鎮淮兩軍月以三八日習馬射令所部兵皆放行之浙東流民渡江開門撫納活萬餘楚州叛卒給旗帖招之分隸諸軍後劉瑄敗與之亟修守戰備遣精銳布要害北軍深入無功召為祕書少監軍民遮道垂涕

宋史本傳

趙范字武仲蒲圻人紹定初與弟葵殲李全於揚州詔加淮東安撫副使復進兵破全餘黨於淮安

宋史趙葵傳

耿世安淮東副總管北兵至制置使賈似道調往漣水至漁溝以三百騎奮擊身被七創猶能追殺潰兵還走數里沒事間贈官立廟賜謚忠武

宋史忠義傳

趙善湘字清臣濮安懿王五世孫紹定中歷江淮

制置使平淮寇李全復平閩寇轉安撫使尋以復
泰州淮安州鹽城淮陰縣四城及策應京湖功進
端明殿學士又復盱眙軍泗壽二州進資政學士

宋史
本傳

杜杲字子昕邵武人江淮制置使李珣羅致幕下
滁州受兵檄杲提偏師往援民蔽野求入滁守固
拒杲啟鑰納之登陴中矢益奮卒全其城辟監崇
明鎮與總領議不合引去辟廬州節度推官浮光

兵變杲單騎往誅其渠魁守將爭餉金帛悉封反
之安豐戍將搖扇軍情杲呼諭之一軍帖然知六
安縣部使者李衍覽所書牘擊節曰九州三十三
縣令之最也知定遠縣李全犯邊以杲習邊事擢
知濠州制置大使趙善湘欲復盱眙用其策成功
知安豐軍元兵圍城大戰擢將作監朝議帥淮西
無如杜杲者詔以安撫使兼廬州進大府卿淮西
制置副使兼轉運使復與元兵戰累擢刑工二部

尚書以直學士奉祠帝曰杜杲兩有守功若脫兵
權使有後禍朕何以使人乃起知太平州俄擢華
文閣學士沿江制置使知建康府行宮留守節制
安慶和無為諸郡杲罷楊林堡以其費備歷陽淮
民寓沙上者護以師首謁程顯祠置貢士莊蠲民
租二萬八千石復與元兵戰真州進數文閣學士

宋史
本傳

陳瑄字子爽嘉興人淳祐五年知太平州兼江東

轉運副使部內諸郡災傷奏請蠲稅發公帑代三縣轉折絲帛錢五十萬九千三百六十餘貫作浮

淮書堂以教淮士

宋史本傳

姜才濠州人德祐初歷通州副都統善騎射撫士卒有恩至臨陣軍律凜凜敵攻揚州才為三疊陣逆之三里溝戰有功又戰揚子橋所向辟易

宋史忠義

傳

趙淮衡山人丞相葵從子歷官淮東轉運使德祐

中成銀樹壩兵敗被執阿朮使招李庭芝降唱以大官淮侂諾至揚州城下大呼曰庭芝男子死耳毋降也阿朮怒殺之

宋史忠義傳

元張晉亨字進卿南宮人湍萊路總管詔伐宋晉亨在還分道由安慶渡江丞相巴延留之戍鎮江兼

預民事以鎮靜為務戰焦山瓜州皆有功

元史本傳

董士選字舜卿真定人成宗時拜江南行御史臺

中丞廉威素著不嚴而肅凜然有大臣風

元史董文炳傳

高睿河西人江東道提刑按察使部內草竊聲言
圍宣城睿命密治兵衛司開城門聽民出入貿易
自便寇以有備不敢進遂討平之

元史高
智耀傳

郝彬字景文霸州人擢揚州路治中鄞縣賊聚衆
海島時出攻剽侵揚州彬討擒之泰興有人被殺
二年賊不獲吏誣平人獄已具彬疑讞之獲真賊
御史薦彬同知淮西道宣慰司事覈戶版理屯田
諸廢修舉江淮財賦總管府掌東宮田賦其官屬

皆從詹事院不隸中書往往為姦利彬為總管入
見請受憲司糾察以革私弊罷所隸六提舉司以
蘇民瘼從之兩淮鹽法日壞以彬行戶部尚書經
理之彬請度舟楫所通道里所均建六倉煮鹽於
場運積之倉歲首聽羣商於轉運司探倉籌定其
所乃買券又定河商江商市易之不如法者著為
法入為工部尚書

元史
本傳

鄧文原字善之綿州人延祐五年餼江南浙西道

廉訪司事平江僧憾府判官理熙賄徒告賊熙誣服文原按問杖僧而釋熙吳興民夜歸巡邏執繫亭下遁去追者刺其脅仆地有司問直初更者曰張福兒械繫三年文原得真殺人者而釋福兒桐廬人戴汝惟夜有焚其廬者文原得其妻與弟謀殺汝惟狀人以為神移江東道徽寧廣德三郡歲入茶課鈔三千錠後增至十八萬竭山谷所藏不能充其半餘皆鑿空取民間轉運司官聽鄉里豪

點動以犯法誣民文原請罷專司俾郡縣領之微
民謝蘭家僮死蘭姪回賂誣蘭文原得其情釋蘭
而坐回時久旱不雨決獄乃雨

元史本傳

趙璉字伯器甘陵人至正十三年立淮南江北行
省於揚州以璉叅知政事會張士誠陷泰州興化
命知府李齊招諭士誠請降因移璉鎮泰州士誠
夜縱火登城璉力疾奮擊被創墜地瞋目大罵遂
死之事聞賜鈔仍官其子

元史忠義傳

姚天福字君祥絳州人至元十六年授淮西道按察使將吏有豪猾為民害者悉剷除之民大悅二十六年復為淮西按察使按鉅姦一人政化大行

元史
本傳

福壽唐古特人至正末為淮南行省平章政事是時濠泗陷師久無功福壽至督戰甚急而上游賊勢甚洶湧乃議築石頭斷江面守禦有方衆恃以為固遷江南行臺御史大夫集慶援絕勢孤人心震

恐且倉庫無蓄積計未知所出民願為兵以自守
福壽因下令民多貲者助糧餉激厲士衆為完守
計城破百司奔潰福壽獨據胡床坐鳳皇臺下指
麾左右或勸之去叱之遂遇害同時死者達魯噶

齊達年達薩治書侍御史賀方

元史本傳

明湯和鳳陽人洪武初封信國公十八年上曰日本
屢擾東海上卿雖老強為朕行視要地築城增戍
固守備和乃築海上城起登萊抵江浙凡五十九

城民丁四調一為戍兵

鄭曉名臣記

張德林鳳陽人明初以元帥守揚州時兵火之餘城中居民僅十餘家德林招集流亡戶口日繁威

肅惠懷軍民輯睦

分省人物考

王彬字文質東平州人巡江淮治揚州靖難兵至外禦內防七日不解甲為千戶徐政所縛昇至城上投兵中不屈死之

鄭曉名臣傳

宋禮字大本永寧人永樂二年工部尚書修復會

通河浚黃河故道自是挽漕京師罷海運禮功最

大

鄭曉名臣傳

陳遜字必恭浦城人永樂間巡按吳中平蘇松劇

盜民賴以安

舊通志

陳瑄字彥純合肥人永樂初以平江伯充總兵都

督帥舟師海運又備倭閩海海溢江北岸崩瑄起

堤自海門歷通泰北至鹽城凡八百里又役人二

十萬起高邱嘉定為海運表識名寶山後開會通

河罷海運瑄議造淺艫二千艘歲運二百萬石後
增至五百萬疏清江浦引水由管家湖入鴨陳口
達淮就管家湖築堤十里以便引舟浚儀真瓜洲
通湖鑿呂梁百步二洪石平水勢開泰州白河通
大江築高郵湖堤堤內鑿渠亘四十里淮濱作常
盈倉五十區貯江南輸稅徐臨清德州皆建倉便
轉輸河淺處輒膠舟濱河置舍五百六十八所舍
置淺夫俾導舟可行處緣河隄鑿井樹木便人行

獻陵初陳七事其一言江南轉漕軍民並困上覽之戚然議寬恤仍勅獎與世伯券景陵時鎮守淮安兼督漕運漕政益修漕渠在江淮間者瑄功為

大瑄久祠清江浦漕渠旁往往有瑄祠

鄭曉名臣傳

夏原吉字維喆湘陰人戶部尚書永樂元年吳淞大水原吉行視水言嘉定劉家港即古婁江徑通大海常熟白茆港徑入大江皆廣川浚流宜疏吳淞江南北兩岬安定等浦港引太湖諸水入劉家

白茆二港使直注海人范家浜至南倉浦口可徑
達海宜浚令深濶上接大黃浦以達泖湖之水各
置石牖以時啟閉常修圩岸以禦暴流從之原吉
布衣徒步日夜經畫盛暑揮蓋去曰衆皆赤體暴
日中吾何忍歲饑奏發粟三十萬石賑濟二年還
朝復出治水水洩農田大利吳人尸祝之正統間
勢家奪水利溝防盡壞周尚書忱治之景泰中李
侍郎敏弘治中徐侍郎貫正德末李尚書充嗣皆

治之

鄭曉名臣傳

周忱字恂如吉水人任蘇松巡撫二十二年先是胡概用法嚴刻忱濟以寬時蘇州逋稅七百九十萬石常松亦然忱創為平米官田並加耗蘇稅額二百九十餘萬石疏減八十餘萬令縣立便民倉水次推糧長收兩稅加耗不得過十一又為押運視遠近勞逸支撥為諸費羨餘存縣倉號餘米米有餘減耗次年十六徵又次年十五更有羨

縣為倉名預備諸轉假至秋抵斗還官其為農事
不責償又議奏裏河軍民舟至淮安或瓜洲交兌
江北衛所漕者出通關還繳加兌米如舟未渡江
南京諸衛抵倉兌者加過江等米馬草歲運費不
貲忱請通州草場立官庫折銀職官俸糧皆支南
京米賤時銀一兩得米七八石忱請以重額官田
極貧下戶兩稅准折納銀一兩米四石又定蘇州
官布不拘輕重務在長濶如式又令馬頭所領於

田畝收米升九合與糧俱徵正統初淮揚災鹽課
虧忱巡視奏令蘇州等府撥剩餘米縣一二萬石
貯鹽場准為縣明年田租聽竈戶上私鹽給米官
得積鹽民得食米公私大濟彩繪宮殿計牛膠萬
餘觔勅上供甚急忱言京庫貯牛皮久朽腐請出
煎膠以餘米市皮還庫十四年邊事急工部索兵
仗數百萬忱出餘米造上明盔者錫沃旬日畢辦
嘗至海鹽築捍海塘令郡七縣合役萬夫自七年

正月至十一年費萬計皆出忱度支海不為患每
遇凶荒輒便宜從事凡百上供及廨舍學校賢祠
古墓橋梁道路溝渠修葺一切取給餘米歲不下
萬計施給僧道問報餽遺各得其歡心江南之人
愛戴如父母沒而尸祝至今思周尚書也
羅汝敬吉水人宣德初以工部侍郎奉使看詳蘇
郡歲賦舊額共二百二十餘萬民間徵運不勝困
弊為請於朝得赦常賦三之一自是民力稍紓

南歲

鄭曉名臣記

志

王來字元之慈谿人宣德間巡按蘇松中官陳武奉太皇太后懿旨出使路經江南勢張甚獨為來所折歸訴之上上因心識之及代還臨軒慰勞賜

宴光祿

廣輿記

曹弘宣德間巡撫淮南山東時歲凶民饑弘均徭

儲粟俵牛種簡孳牧殺婚禮民德其施

舊通志

賈諒正統二年巡視淮濟賑活饑民十餘萬築固

安堤功成而民不知勞

廣輿記

薛希璉麗水人正統八年奉命清理鳳陽等處軍民田地摘發奸伏無敢欺隱所造文冊後人遵以

為式

舊通志

耿九疇字禹範廬氏人正統二年兩淮鹽法大弊擢運司同知性節儉嚴肅尤慎交接無毫髮私吏胥豪商勢家凜凜不敢肆嘗條奏鹽法便宜事著令內艱鹽場數千人走闕下乞留陞都轉運使嘗

坐水旁童子曰水清不若使君清已而被誣得釋
又以都御史清理兩淮鹽法景帝初墾刑部侍郎
尋又出理鹽法兼江北巡撫歲凶盜起拊循流民
復業者七萬家勅錄諸郡大辟囚寃得釋者二十

六人

鄭曉名臣記

孫鼎字宜鉉廬陵人以御史督學南畿課藝之外
更訓飭士子當以躬行為本一時感其德化皆鏤

礪文行無敢檢者

舊通志

王竑字公度江夏人成籍河州景泰二年總漕淮
上三年兼巡撫清理鹽法賑濟劾巡河御史貪淫
謫戍四年上疏言災異乞罷上嘉納引咎勅大臣
修省下災郡邑賑濟竑疏言饑民流徙就食臣分
遣屬吏沿河每遇過舟董令出米為粥分給賴存
活者一百八十五萬八千五百人勸諭有力出米
麥穀粟二十五萬七千三百石銀三千六百七十
兩錢綿布半之量給被災者五十五萬七千四百

七十九家缺農具種子七萬四千三百九十七家
亦以官物賑給民流去撫來復業者五千五百九
十三家他境流冗安輯者萬六百餘家朝議謂竝
心純政平委曲調劑弘濟民艱况總督漕運姦貪
畏憚兼理巡撫兵民慕戴陞副都御史仍治淮安

鄭曉名
臣記

陳泰光澤人景泰中巡撫應天時富室田多輕額
而重者多在貧下泰均之令五升之田倍其賦而

官田之重者止取正額澤均而賦不損上下便之

而富者不怨

舊通志

鄒來學字時敏麻城人景泰間巡撫應天時吳中
水旱頻仍來學請以今歲額輸米三十萬石悉貸
貧民來秋償官上從之又言蘇松等郡向俱軍兌
輸京後因邊警調軍征守歲役民十五萬自輸民
以重困今邊陲寧謐請仍舊上可其奏著為令吳

民至今德之

舊通志

崔恭字克讓廣宗人天順二年巡撫蘇松等郡所
至進耆老詢利害為興革會都督請浚儀真漕河
恭役夫六萬人程工贍廩民不告勞又浚常鎮河

避江險

鄭曉名臣記

戴珊字廷珍浮梁人成化間以御史視學南畿珊

剔歷中外所至有聲績學政尤著

鄭曉名臣記

劉孜字顯孜萬安人天順中巡撫應天松江有荒
田四千餘頃賦額皆重久廢不耕孜請召民開佃

以田肥瘠定稅輕重謂之官租著為定制民懼趨

之燕菜盡闕

舊通志

高明字上達貴溪人天順間南京都御史南京久
弛縱明振綱紀勅罷諸貪殘吏會淫雨極言宜修
省以回災異揚州鹽寇起守兵失利勅明勦捕明
造巨艦榜壽亭往來江南北督戰又授方略御史
戴琥顧以山擒賊九百餘人並江置邏堡高山望
候賊出沒露踪跡不得逞中官粥私鹽縛儀真指

揮羣卒大閱明盡籍其鹽劾之

鄭曉名臣記

陳源鄞縣人成化六年督理漕運立均徭之法請

免運船帶磚納鈔軍民便之

廣輿記

李裕成化中總督漕運黜陟公明所部肅然張秋南旺湖淮安西湖諸防舊用椿木以捍衝激屢修

復壞裕易以石利止永久

舊通志

李綱長清人成化時總督漕務居官二十餘年家

無百金產

舊通志

陳選字士賢天台人成化中以御史督學南畿力

變浮華以身律士士多感化

舊通志

王恕字宗貫三原人成化間巡撫江南賑貧理冤全活萬計恕以貢獻太多所在騷擾疏乞崇恭儉為天下先中官王敬乘傳至東南太索奇玩所在驚懼恕疏極言敬苛暴久之敬等收捕下獄斬其

黨中外稱快

鄭曉名臣記

馬文升字負圖鉤州人成化二十一年總督漕運

兼江北巡撫法令一新綱紀大振

王世貞
史料

婁謙成化間以御史督學南畿名其堂曰畏天中
官汪直新幸銜謙不與通使偵伺其短竟莫能得

舊通
志

彭韶字鳳樓莆田人成化間巡撫江南簡靜持大
體不尚苛細奏折兩京文武俸糧省轉輸費公私

便之

廣興
記

朱瑄鄞縣人弘治間巡撫應天開三江下流以殺

湖水濬孟瀆等河以通漕運築沙湖石堤以避其

險疏請立太倉州有六利上從之

舊通志

李充嗣字士修內江人正德間巡撫南畿時東南水利久廢充嗣隨宜濬治三月功成自是旱澇無

患

舊通志

歐陽鐸字崇道泰和人嘉靖中巡撫應天嘗曰蘇郡地止一隅而漕餉當天下半吾不能減而能均

乃請於上權其輕重立法均之

舊通志

雷應龍嘉靖間以御史督兩淮鹺政究官捕之倚法為奸者毀境內淫祠置邪說惑衆者於法輿論

賢之

舊通志

鄭元韶字善夫侯官人嘉靖中任松江同知會巡撫林潤奏請履畝均糧元韶以才望擢按察司僉事賜勅專理徧歷阡陌區畫經界繪形版籍書其步積之數乃量腴瘠分上中下以定賦復請以五年一編徭役著為令自是民戶一年力役得五載

休息焉

舊通志

董邦政字克平陽信人嘉靖間以僉事專領海防駐上海時倭寇犯境據高樓欄城內邦政登陴力戰用神鎗手擊却之又與同知任環合勦於界嘴

西菴等處屢有斬獲

舊通志

翁大立字道生餘姚人嘉靖中巡撫應天會倭寇聚三沙兵部郎中唐順之來視師因共設方略擊破之總理河道徐州水災居民漂溺疏請發粟賑

濟

舊志通

李遂字邦良豐城人嘉靖中巡撫淮揚時倭寇揚州屯白蒲諸將請擊之遂曰賊氣方銳驟攻之如小挫事敗矣及賊兵益進遂曰賊過如臯必合合則道有三自泰揚逼天長鳳泗則陵寢震驚自黃橋逼瓜儀則搖南都而梗漕若從富安而東海濱斥鹵掠無所得至廟灣滅之必矣部分諸將遏賊毋得逾天長瓜儀賊果趨廟灣遂調兵設覆待之

諸寇殲焉以功遷兵部侍郎

舊通志

鄭曉字窒甫海鹽人嘉靖間歷兵部侍郎副都御史總督漕運時倭寇淮揚曉疏請造戰舸築城堡練兵將積芻糗廟灣諸海口皆增兵設候屢敗倭前後斬首九百餘級今如臯海門諸城皆鄭曉所築以禦倭者

王鴻緒
明史稿

潘季馴字時良烏程人嘉靖末及隆慶中再以僉都御史總理河道開新河築塞邳州睢寧決口萬

歷五年歷刑部右侍郎時河決崔鎮黃水北流全
淮南徙淮揚高寶間皆成巨浸首輔張居正薦季
馴才出為河漕尚書季馴以淮清河濁淮弱河強
當藉淮之清以刷河之濁築高堰束淮入清口以
敵河之強詔從其議踰年功成累遷刑部尚書十
六年復出總理河務河水暴漲衝夏鎮復築塞之
季馴凡四奉治河命習知地形險易增築設防置
官建牕下及木石樁埽綜理纖悉

王世貞
史料

徐節臨汾人任淮徐道故事驛馬辦自富室斃則責其補償節酌定上中下之值聽各邑自買尤嚴差役之序民多稱便又栽石山驛開新河皆節主

其議

廣輿記

海瑞字汝賢瓊山人穆宗初巡撫應天風采嚴峻所部凜然平賦役開水利行條編法遂為永利

廣輿

記

王宗沐字新甫臨海人隆慶五年歷右副都御史

總督漕運兼巡撫鳳陽故事漕舟五月渡淮宗沐請以正月起運春末過淮又以河決無常運道慮梗欲復海運條上便宜七事詔從之遂以六年二月運米十一萬石自淮入海五月抵天津敘功進秩並賚金帛

廣輿記

周孔教字宗尼臨川人萬厯中巡撫江南時遣中使征推行旅苦之戶部議漕折徑輸邊鎮孔教言其害皆免三十六年大水條上荒政二十三事又

請改折漕米百五十萬并留權稅及漁課諸色銀
二十餘萬以賑疏入未報乃先發廩濟貸又括公
帑羨金至荆襄市米方舟相接米價頓平

舊道志

劉東星字子明沁水人萬歷二十六年河決單縣
運道堙阻東星以工部侍郎兼右僉都御史總理
河漕初河臣潘季馴議開黃河上流復元賈魯所
浚故道朝廷以費鉅未果東星即其地開濬起曲
里舖至三仙臺抵徐州小浮橋又濬漕渠自徐邳

至宿計五閱月工竣費僅十萬敘功進本部尚書
復開洳河引淮南北運艘工已成十之三會以疾
卒後李化龍循其遺法與李三才共成之漕永便

馬

行水
金鑑

丁賓字廷禮嘉善人萬厯初為句容令著聲績歷
操江都御史諸大利弊多所興革覈三等九則之法
輸錢官募題定稅役事宜坊廂踐更之累皆絕
興

記

馮叔吉字汝迪萬厯初江上有警設副使道於池
州叔吉莅任即立池陽荻港二營列巡艦於江上
加築池州及東流銅陵二邑城守禦既嚴盜警遂

息

舊通志

李三才字道甫北通州人萬厯中以僉都御史總
督漕運巡撫鳳陽諸府三才豪邁有大略在淮凡
十三年以折稅監得民心及淮徐歲祲請賑恤蠲
馬價又誅翦徐毫大盜趙古元等部內晏然

舊通志

李維貞字本寧京山人萬厯中以兵脩道駐壽州

修廢舉墜綏靖地方大著勞績為時所稱

舊通志

熊廷弼字飛百江夏人萬厯間督學南畿嚴明有

聲

舊通志

陳玉輝萬厯間屯馬御史冰清自矢去之日行貨

不辦同官醵金助之

舊通志

周起元字綿貞海澄人天啓間巡撫吳中為政簡

靜持大體性剛介織造內監李實怙魏忠賢勢恣

為貪暴起元疏劾之忠賢怒嗾實劾起元與周順

昌等六人同被逮死獄中

紀事本末

鄭二陽鄆陵人崇禎八年備兵維揚時流寇告警

二陽簡飭士卒戰守俱脩鹽政壞竈丁欲為亂二

陽扁舟諭之皆流涕歸服尋擢安撫劇賊革裏眼

等五營受撫至太湖二陽移書戒監軍楊卓然勒

兵以待未幾果叛皖以有備獲全人服其先見

舊通志

志

倪元珙字賦汝上虞人崇禎時以御史督南畿學政會奸人詣闕訐復社罪欲盡陷一時清流事下所司案問元珙同兵備馮元颺申辨最力忤權貴

意謫官

紀事本末

鄭崑貞字十師龍溪人崇禎時巡按應天楚帥左良玉擅離本鎮擁兵東下去蕪湖二十里遠近震恐崑貞移書諭以順逆良玉得書立還又捐俸治

黃山米石孔道行旅便之號鄭公堤

舊道志

史可法字道鄰宛平人崇禎時歷安池巡道監江北諸軍敗賊於潛山桐城擢撫安慶立三大營以圖大舉賊多避其鋒歷總督漕運劾罷糧道之不職者三人又慎簡運官盡祛諸蠹弊後以樞輔督

師死揚州

舊通志

張國維字玉笥東陽人崇禎時巡撫應天寬惠得士大夫心屬郡災傷輒為請命多獲寬減時流賊踰江北國維引軍擊之屢摧寇解圍築太湖繁昌

二城濬鎮江及江陰漕渠並有成績擢總理河道

歲旱水涸國維浚治之漕艘無阻

廣輿記

初彪佳字幼文山陰人崇禎時巡按南畿一日杖

斃大猾七人所部稱快立易知由單以清賦弊捐

俸置役田以甦徭困人稱真御史後巡撫應天威

望尤著一時分鎮大帥多敬憚之

廣輿記

黃希憲字又生宜春人崇禎時撫吳廉靜有守時

蘇民困於役最重者為白糧解戶其次則徵收地

丁銀謂之收頭希憲請於朝以白糧委縣佐而收

銀屬之吏民困盡釋其法至今不變

廣輿記

凌義渠字駿甫烏程人崇禎時歷蘇松兵備以清操著吳俗好訟多詐義渠每以片詞折之人又服

其明

舊通志

馮元颺字爾馨慈溪人崇禎時歷蘇松兵備至則

選材官募勇士別設一營號中權軍威大振

舊通志

王象晉字康宇新城人崇禎時任揚州兵備平海

濱巨盜王虎子又通州民變焚劫諸巨室象晉馳

往擒其魁立置之法

舊通志

路振飛字見白曲周人崇禎時任漕撫訓練鄉兵

招集義勇他郡多為寇躡而淮獨安堵

舊通志

袁繼咸字臨侯分宜人崇禎時歷揚州兵備時中

涓楊顯名銜命清理鹽漕恃寵驕蹇繼咸抗不為

禮遂被誣劾繼咸以廉惠得人心去官日士民扳

轅遮留者以萬計

舊通志

國朝洪承疇同安人順治二年以內院大學士經略招

撫江南拊循氓庶著有綏靖之功

舊通志

李猶龍字紫函陝西人順治二年招撫安池等郡

調度有方反側歸附平白雲大溪諸寨尤有功期

年改巡撫天津皖人懷其德立祠祀之

舊通志

趙福星奉天人順治二年以都御史巡撫鳳揚四

郡駐泰州戡亂鋤奸整飭吏治申雪冤獄又加意

振興文教修飭學宮功績茂著

李日芄字培原奉天人順治七年擢安徽操江都御史時大軍征粵滇道經安池諸郡日芄首嚴驛馬之禁非軍行重務不許擅索一騎革除蠹吏輕徭均稅釐定經賦全書創立書院獎訓士類設江防營兵五里一汛江中羣盜屏跡行旅晏然潛山奸民嘯聚戮其渠魁餘黨悉散歸農又值海寇之警日芄率師控扼京口遣將截其歸路擒馘功多

舊通志

李嵩陽字元佩封邱人順治七年以御史督學江南時士人風尚相沿明季餘習為文多牽綴子書不遵傳註嵩陽取士以朱程理學為宗凡辭涉浮譎者不錄自是文體漸歸於正

舊通志

秦世貞字瑞寰廣寧人順治八年以御史按吳首彈貪墨收捕大蠹杖斃於市斷獄明決昭雪冤誣數十事漕卒驕橫每米一石索加銀二三錢世貞奏立五米五錢法官為給之著為令

舊通志

胡亶字葆林仁和人分守常鎮道凡賦稅獄訟事

至立剖以執法不阿見稱

舊通志

馮如京振武衛人順治十一年江南右布政使持

已率屬峻整有丰米尤能振興文教立五經文會

訓勵多士皆習尚經學云

舊通志

馬鳴佩奉天人順治十二年總督江南具幹濟才

遇事精明果斷冀廉懲貪靖山海巨寇釋善良之

囚繫者

蔡士英字伯彥奉天人順治十二年總督漕運疏
陳漕政五事漕弊九事又請定水次領兌之規及
裁領運都司十四年致仕十六年復起原職士英
凡兩任督漕多所振刷釐革輓輸 天庾迄無虧

額

舊通志

李來泰字石臺撫州人順治十二年督學江南尋
督蘇松糧儲復分守蘇松常道歷官勤慎皆有政
績來泰文學該贍於視學尤為稱職云

舊通志

卽廷佐字一柱奉天人順治十三年由南贛巡撫
陞兩江總督十六年海寇鄭成功入寇廷佐督厲
將士調遣有方令崇鎮梁化鳳大破賊兵於得勝
門外南土安堵

舊通志

哈哈木滿洲人江寧將軍與總督卽廷佐同心殫

力殄除海寇

舊通志

石廷柱滿洲人順治十三年以鎮海大將軍駐鎮

江嚴飭兵伍綏又百姓民間稱為石佛

舊通志

額楚滿洲人以都統鎮守江南戢兵安民滇閩之

亂提兵援江右所至約束甚嚴閭閻無擾

舊通志

郎賽滿洲人以都統駐蘇州時初設軍屯賽軍紀

嚴肅廛市晏然

舊通志

李森先字琳枝平度人順治十三年以御史巡按

江南捕豪猾胥吏倚官為虐者十一人置諸法又

舉孝子節婦以興民行

舊通志

姜圖南字匪思大興人順治十三年視兩淮鹽政

時引滯課逋奸偽滋弊圖南疏通壅鹽課入應時

又禁牟奪贏利竄附網名者商人賴之

舊通志

陳培貞字心盤奉天人順治十三年江南左布政使時海寇犯江寧城中居民多憂糧匱培貞請開聚寶門聽民運米入城衆心始安賊營環列城外培貞建議潛開小東門與崇明總兵官梁化鳳引兵突出繞賊營後一戰破之小東門者城西北門之東偏小門也久閉塞忽出其不意賊大驚潰遂

以捷聞總督卽廷佐並上其功

舊通志

宮家璧奉天人順治十四年分巡蘇松道裁決明

敏索無留牘

舊通志

梁化鳳字珮天榆林人自寧國總兵官移鎮崇明
時海濱伏莽出沒無時平洋平安大安聯福等沙
聯為窟穴化鳳悉收復之先是鎮兵皆寄居民間
化鳳申請新建營房兵民稱便順治十六年海寇
犯江寧奉調赴援衝圍入城與城中兵合悉力守

禦未幾覘賊弛備提銳卒潛出搗其中堅遂殲羣賊克復鎮江以功擢蘇松提督

于世蔭

舊通志

周維新奉天人以副都統駐鎮江居官簡靜和易鎮撫兵民歷八載卒於官

舊通志

馬祐字篤周滿洲人康熙八年擢江蘇巡撫下車首撤供帳絕餽遺正己率屬不事苛細江南舊多逋賦有司率那移報完前後相蒙祐分別吏侵民

欠疏請銷追又密疏奉

特恩蠲免康熙元年至八年逋賦一百九十餘萬淮揚蘓
松常鎮六郡頻用水災勘實奏請減捐賑濬劉
河吳淞江以利蓄洩清田畝以豁賠累行官收官
兌以甦役困修築南北塘以便兵旅殲盜魁雪沉
獄一時風俗清謐會靈雨淹沒田廬憂惶成疾臨
終自草遺疏極陳水災民困言不及私舊通志
麻勒吉滿洲人康熙十年總督兩江南蒞任值旱

蝗倣行占理蝗之法又捐俸買蝗遠近負戴而至
量多寡授緡蝗漸絕歲不告饑其為治提綱挈領
務有所振起凡藩臬郡縣學校管衛驛遞場局市
井一切利弊宜罷行者及舟車往來人物之數各
有品章條貫芟繁核實不苛不濫士民掇其尤著
者三十八條鑒之於碑立祠祀之

舊通志

王之鼎字公定瀋陽人以世襲伯任松江提督陞
鎮海將軍兵民愛之後提督四川吳逆叛罵逆自

刎死松人立祠祀之康熙四十六年

頒賜純忠遺愛四字額

方國棟字干霄宛平人康熙十二年分守蘇松常
道律已甚嚴莫敢干以私吳下濱湖堤岸歲久頽
圯國棟躬率吏民併力修築又修沿海墩臺橋梁
及吳淞劉河兩牕措辦工費不以擾民滿洲蒙古
兵暫駐蘇州國棟請度城南隙地立營糗芻之屬
無不預備師旅如歸民得安堵

舊通志

阿席熙滿洲人康熙十三年總督兩江為政清靜
畫一吏民安之會逆藩煽變勅建營房修造戰艦
悉如期集事南討大軍絡繹過境席熙徵調供億
號令嚴明所部安堵及任滿還京行橐蕭然人服
其操

舊通志

白允明奉天人康熙十四年為京口左營副將均
旗丁供役嚴汛兵賞罰禁放牧學宮旁地鄉邑不
擾

張景仲京口防禦和輯兵民禁飭閑人不許入學
宮賑饑育嬰尤孳孳樂善云

慕天顏字鶴鳴靜寧人康熙十五年由江蘇布政
使陞巡撫天顏在藩司時值水旱相仍賑貸緩徵
開濬吳淞劉河尋入覲凡七上疏減賦除荒治黃
淮寬濶田調用守令均田役最其大者撫吳復條
上八疏又疏請蠲被災田賦請開濬白茆孟河並
建陂蓄洩為東南之利

丁思孔鑲黃旗人康熙十五年江蘇布政使以剛
方才幹著稱

靳輔字紫垣奉天人由翰林編修巡撫安徽晉兵
部尚書總督河道甫莅任即大挑山清高寶等四
州縣運河及清口以下至海口河道詳審兩河全
局上陳經理河工事宜八疏悉奉

俞旨大發帑金專任委成輔於是開濬引河修築遙堤縷
堤創立減壩坦坡大築高堰堵塞翟壩使淮水會

河河水入海運道通行無阻復請開中河三百餘里令漕艘由仲家莊牕而上即入中河避百八十里黃河湍悍之險勞績茂著輔嘗持議謂治下河當竟治上河與衆議不符自康熙十六年至三十一年凡三膺

簡命

聖祖有實心任事之褒既老病寢劇又疏陳兩河善後之策請豁開河築堤廢田之糧并請清淤出地畝之

賦卒

賜祭葬謚文襄四十六年奉

旨沿淮軍民感頌靳輔治績衆口如一久而不衰著贈太子太保仍給世職拜他喇布勒哈番為矢忠宣力者勸輔所著有奏疏八卷治河書十二卷雍正十二年奉

旨崇祀賢良祠

郝浴字冰滌定州人康熙十六年巡按兩淮鹽政

時三逆未平，蹉引壅滯，浴恤商裕，課措置有方，以稱職留差一年，尋擢左僉都御史。

劉選勝，湖廣人。康熙十七年為京口總兵官，勤於訓練，尤嚴防戍，賞罰海氛，寢息更修學中講堂射圃，以助興文教。

劉果，諸城人。康熙十八年督學江南，謝絕私交，釐正文體，委靡油滑之習為之頓改。

孔興洪，曲阜人。康熙二十年任江常鎮道，懲豪強。

惠良民獎勸孝友樂育單寒士民有去後之思

于成龍字北溟汾陽人康熙二十一年總督兩江
先是巡撫直隸風節著聞朝野及兩江節制貪墨
吏望風解綬豪猾皆潛徙境外奢侈僭踰者亦皆
斂戢蒞任即杜苞苴禁加派減火耗嚴保甲清營
伍除蠹胥釐關政平鹽價凡有關國計民瘼者次
第舉行成龍負經濟之學於程朱源流素多發明
故尤以教育多士為心創立虹橋書院擢取高才

生課習其中每親臨訓誨士當先勵品行為國棟
梁勿為稂莠其所提獎陶成後多貴顯自奉儉薄
有寒素所不能堪者以盡瘁邁疾卒於位

贈太子太保謚清端卒之日鰥童耄叟皆入弔哭周身
之具簾布一衾而已士民建祠一在天妃宮側一
在雨花臺畔雍正十二年奉

晉崇祀賢良祠

湯斌字孔伯睢州人康熙二十三年由內閣學士

擢江蘇巡撫斌蒞任初悉屏供帳諸物僚屬皆洗
心供職吳俗奢靡裁之以禮立嫁娶喪葬定式申
賽會演劇博戲拳勇掠販之禁重農事以興本業
復社學以訓子弟講孝經以敦人倫表揚名宦以
風厲來者悉推誠感動不徒條教虛文又累疏陳
吳民疾苦會淮揚水災斌倡屬捐濟每口百日給
米五斗令無流播吳地楞伽山五通神祠賽禱無
虛日斌取神像投之石湖奏聞永禁奉

旨各省淫祠通行嚴禁斌撫吳三載食惟蔬菜供應日費
百餘錢二十五年

聖祖諭江寧巡撫湯斌潔已率屬實心辦事宜拔擢大用
特授禮部尚書詹事府掌詹事還朝之日吳人攀送者
數千人生為立祠既沒追思不忘雍正十二年奉
旨崇祀賢良祠

施世綸字潯江晉江籍鑲黃旗人靖海侯謚襄壯
琅仲子以廕知泰州會歲饑請修築范公堤以濟

饑民歷揚州守移江寧所至豪右屏跡疑獄悉平
丁艱去攀留者數萬人建雙亭於府署號一文亭
累擢淮徐道安藩司總督漕運革羨金劾貪弁除
蠹役號稱嚴明

趙士麟字玉峰河陽人康熙二十五年巡撫江南
捕豪猾蠹胥悉置之法境內肅然時吳城河道久
湮舟楫多阻士麟疏濬永為民利尋擢吏部侍郎
楊素蘊陝西人康熙二十六年巡撫安徽嚴懲墨

吏以儆官邪又優恤士民咸惠兼著

傳臘塔滿洲入康熙二十七年以刑部尚書總督
兩江慰薦賢能懲黜貪墨摘發如神荏苒用戢讞
決明慎屢剖疑獄課士教民疏河墾荒二十八年
聖祖南巡垂問民間利病因請免江寧房號蓬搭地租歲
八千兩又疏請江南鄉試增廣解額議准蘆課丈
量五年一舉縣令親臨勘丈二載卒官

特遣官予祭贈太子太保謚清端士民建祠祀之雍正十

二年奉

旨崇祀賢良祠

張思恭鑲藍旗人康熙二十九年為京口將軍思恭自九年擢副都統鎮京口前後蒞鎮凡十八年雅尚節儉戢兵安民今

文廟前立下馬牌思恭所奏請也

董元卿鑲黃旗人京口將軍輯和文武綏靖軍民尤嚴旗丁重利剝民縱馬害稼之禁訓練將士勤

明有法

楊嘉山西聞喜人康熙二十九年分巡江常鎮道
捕治衙蠹又按豪家奴置諸法嚴於律已屬吏無
私謁

許汝霖字時菴海寧人康熙三十年以春坊贊善
督學江南汝霖浙中宿學通經書熟於文律具校
士稔知甘苦宵分閱牘手定甲乙士咸服其公鑑
宋榮字牧仲商邱人由江西巡撫移節江蘇凡民

間利病諮訪甚勤每逢歉歲奏請蠲賑賓禮文彥
獎激後進尤多造就撫吳十四載不為赫赫之譽
而去後人皆思之

高永爵奉天人康熙三十二年巡撫安徽時盱泗
等州縣河流泛溢修築隄防三十九年再任捐俸
賑飢皖人獲濟

范承勳字蘇公奉天人總督兩江以鎮靜為治淮
揚下河屢被水災撫綏賑恤人懷其德

佟國佐奉天人巡撫安徽政尚寬平人吏浹和
邵嗣堯山西人康熙三十三年以叅議督江南學
政峻節清風屏絕竿牘雅不喜冗長繁縟之辭所
取制義以簡質為宗著有四書講義傳示學者以
勞卒官士立祠肖像祀之

張鵬翮字運青遂寧人康熙三十四年督學江南
三十八年擢兩江總督明年晉兵部尚書總理河
道首陳河工錢糧冒濫屬員因循積弊多所振刷

恪遵

聖祖指授方略遍行履勘殫心經畫拆攔黃壩使黃水暢
達入海堅築高堰廣闢清口使淮水得暢流匯黃
疏入字芒稻等河引運河水注江築挑水壩疏陶
莊引河使清水敵黃水無倒灌之虞挑蝦鬚等河
引下河積水入海復疏請改中河於三義壩因築
堤攔舊中河水入新中河自是每歲糧艘通行無
滯又開張福口引河會裴家場河諸水併力助淮

逼黃大溜向北黃淮皆循故道入海所著有河防
記若干卷雍正十二年奉

旨崇祀賢良祠

張雲翼陝西人世襲侯爵大理寺卿鎮八閩康熙
三十五年移節江南在任十四年詩書樽俎訓練
有方

聖祖仁皇帝南巡閱軍容整肅嘉獎賞賚

李鈞鐵嶺人康熙三十八年任安徽巡撫戢兵安

民緩徵息訟立義學義倉又造江船以拯溺修馬橋以利涉遺愛甚多

張泰交字公孚陽城人以太僕寺少卿督學江南刻苦勵操雖周親宿好莫敢干以私每校士既定甲乙集高等諸生環立几案論文章雅俗高下疊疊不倦勗以立品修行為端人善士擢大理寺卿副都御史刑部右侍郎一歲三遷仍令訖學政任在任同蘇撫宋瑩捐修南版廿一史

常名揚正白旗人康熙四十年安徽布政使以所屬濱江洲地多為豪右侵奪而貧弱者至有無洲之稅親履丈勘還所侵地

陳鵬年字北溟湘潭人初知海州歷知江蘇二府攝江藩策並著聲績康熙六十年署河道總督尋奉

世宗特旨授總督河道兵部侍郎時漕渠淺濫遣幹吏直溯淮源疏其上流使清水暢達會黃濟運又挑挖

黃河南北岸引河四道使對岸險工淤塞又徧閱
河勢地形具得其源委高下區畫條貫將次第經
理會病卒

賜賻金二千兩謚恪勤雍正十二年奉

旨崇祀賢良祠

張聖鐸分巡淮揚道戢吏懲奸多善政會伏水暴
漲淮安西門小壩水已溢堤城中人惶懼聖鐸冒
風雨躬率屬員集丁夫運料搶修越隄淮郡得全

明年黃漲尤甚淮郡安東同時告急聖鐸親臨捍
淮遴員馳救安東兩城卒保無虞以勞卒官

章秉法字程叔會稽人為江南掌印都司善治獄
雖老奸宿豪以數言折其機牙莫不詘服屢被檄
勘災監賑恩均弊絕

張伯行字孝先儀封人康熙四十九年由閩撫移
節江蘇素以清正著聞豪猾憚之望風遠遁舉劾
屬員無所阿徇奏請蠲瓜洲浮稅賑恤高寶下河

金史卷一百一十二
災黎建紫陽書院令諸生肄業其中訓迪以義理之學會與督臣互叅解任奉

聖祖特諭有天下第一清官之褒仍起原職吳人遮道歡迎額手稱慶伯行益矢恪勤始終一節撫吳前後閱五載官吏莫敢冒法貪濫吳中推伯行清望與湯斌相亞云

梁世勲延安人康熙五十年任安徽巡撫慈祥和易深恤民瘼其最著者皖城江磯險峻每遇風雨

數十里無泊舟處勲捐金於城東五里外鑿新河
四十里行旅便之

郎廷樞鑲黃旗人康熙五十一年為督漕都御史
肅清漕政官吏弁丁皆便之

穆廷弼山海關人康熙五十三年提督松江持躬
清慎訓練嚴明自甘布衣藿食俸餘惠濟部兵

余正健字乾行古田人康熙五十四年督學江南
衡文根極理要訓士諄切按州郡廉從數人而已


陞奉天府尹

高其位鑲黃旗人其先屢立戰功宣勞異域康熙
六十年提督松江沉靜和易地方寧靖

齊蘇勒字金城正白旗人以兵部尚書總督河道
莅政清勤河防完固奉

上諭勅部議叙又疏復瓜洲花園港運道建牕啓閉以順
水勢堵瓜洲城西新開河道以免江水逼城之患
尤為偉績雍正十二年奉

旨崇祀賢良祠



江南通志卷一百十二